

आकाशवाणी

1. देश भरै च अज्ज श्री कृष्ण जन्माष्टमी दा ध्यार मनाया जा'रदा ऐ।
2. देसै गी मिलेआ पैहला Sub Geo Synchronized पृथ्वी अवलोकन सेटेलाइट।
3. भारत फ्रांस कन्नै अपनी लम्में समें थमां चली आवा' रदी अंतरिक्ष सांझेदारी गी होर मजबूत करने आस्तै उत्सुक, आखेआ डा. जितेंद्र सिंह होरें।
4. सुप्रीम कोर्ट नै सत राज्यें गी न्यायिक अधिकारियें दी सेवानिवृत्त दी उमर 60 थमां बढ़ाड़्यै 62 बरे करने दा दिता निर्देश।
5. न्याय प्रदान करने ते विवाद समाधान कन्नै जुड़े दे मुद्दें पर चर्चा आस्तै ब्रिक्स मुख न्याधीश मंच नमीं दिल्ली च शुरू।
6. मुम्बई च एच.आर.डी एंटवर्प दा दफ्तर भारत बेल्जियम बश्कार हीरे दे बपार गी होर मजबूत करग, आखेआ बेल्जियम दे प्रधानमंत्री होरें ।
7. चाइना मास्टर्स च सात्विक साइराज ते चिराग दी डेनमार्क दी किम एस्डप, एंडर्स स्कारूप रामसमुसेन दी जोड़ी कन्नैसेमीफाइनल च थह बनाने आस्तै मकाबला करग।

<><><><><><>

Janamashtmi

भगवान श्री कृष्ण दे जन्म दा प्रतीक जन्माष्टमी दा ध्यार अज्ज जम्मू आडर पूरे मुल्खै च पूरी धार्मिक श्रद्धा ते जज्बे कन्नै मनाया जा'रदा ऐ। स्थानीय बसनीक इस ध्यार गी ठौगरें दे बरत दे रूपै च मनांदे न। श्रद्धालु इस दिन बरत रखदे न, ठौगरद्वारें जाड़्यै पूजा-अर्चना करदे ते भंडारें दा सरिस्ता बी कीता जंदा ऐ। अज्जै दे ध्याड़े भगवान कृष्ण गी मक्खन-मिश्री, पंजीरी, खीर पंचामृत ते छप्पन भोग दा भोग लोआया जंदा ऐ। जम्मू दे सबनें ठौगरद्वारें च बड़डलै सवेला थमां गै कृष्ण भजन चला'रदे न ते कीर्तन होआ' रदे न। रातीं 12 बजे तगर ठौगरद्वारें च कीर्तन भजन चलदे रौहडन। जम्मू प्रांतै च जन्माष्टमी आहले ध्याड़े गुड़ियां बधाने दा बी बड़ा ररिवाज ऐ। अज्ज लोक अपने कोठें पर चढ़ियै रंग-बरंगियां गुड़ियां बधा'रदे न। अज्ज जम्मू दा गास, बन्न-सबन्निएं गुड़ियें कन्नै बड़ा शैल सनाहका लब्भा'रदा ऐ। तकरीबन घरै दे सब्बै जीऽ

बरत रखदे न ते आलू, मिट्ठी ते लूनकी सियूल, काशी कददुएं दा कड़ाs, सिंघाड़े दे आटे दियां टिक्कियां ते पकौड़े बगैरा अज्ज हर घरै च बनदे न। राष्ट्रपति द्रौपदी मुर्मू, प्रधानमंत्री नरेंद्र मोदी होरें ठौगरें दे बरतै दे पवितर ध्याड़े अपनियां शुभकामनां भेंट कीतियां न। जम्मू-कश्मीर दे लेफ्टिनेंट गवर्नर मनोज सिन्हा ते मुखमंत्री उमर अबदुल्ला होरें बी श्री कृष्णन जन्माष्टमी दे पावन मौके पर लोकें गी शुभकामनां ते मुबारकबाद दिती ऐ।

<><><><><><>

GSLV

भारत दा पैहला Geosynchronous Orbit च स्थापित कीता जाने आहला इमेजिंग सेटेलाइट अज्ज बड़लै सवेला सतीश धवन अंतरिक्ष केंद्र श्रीहरिकोटा थमां जी.एस.एल.वी राकेट कन्नै सफलतापूर्वक प्रक्षेपित कीता गेआ। इसरो नै आखेआ ऐ जे अत्याधुनिक पृथ्वी अवलोकन अंतरिक्ष यान EOS-05 गी प्रक्षेपण दे कोई 18 मिंटें बाद सफलतापूर्वक Sub Geosynchronous Orbit च स्थपित करी दिता गेआ। 27 घंटें दे सुचारू काउंटडाउन दे पूरा होने दे बाद 2 ज्हार 367 किलोग्राम पेलोड भारत कन्नै जी.एस.एल.वी-एफ 17 राकेट नै सतीश धवन अंतरिक्ष केंद्र दे दुए प्रक्षेपण पैड थमां ठीक बड़लै सवेला 2 बज्जियै 55 मिंटें पर अपनी उडान शुरू कीती। एह इमेजिंग सेटेलाइट रियल टाइम तस्वीरां उपलब्ध करोआग ते राई-बाई ते आपदा प्रबंधन सने केई क्षेत्रें च देसै दी मदद करग। इसरो दे चेयरमैन वी. नारायणन होरें आखेआ जे एह मिशन भारत दी पृथ्वी अवलोकन क्षमताएं गी होर मजबूत करग।

<><><><><><>

VP-ISRO Launch

उपराष्ट्रपति सी.पी राधाकृष्णन होरें अज्ज श्री हरिकोटा थमां जी.एस.एल.वी-एफ 17 ई.ओ.एस-05 मिशन दे सफल प्रक्षेपण पर इसरो दे वैज्ञानिकें ते इंजीनियरें गी बधाई दिती ऐ। इक सोशल मीडिया पोस्ट च उपराष्ट्रपति होरें आखेआ जे Geo Synchronous Orbit थमां भारत दे पैहले इमेजिंग सेटेलाइट ई.ओ.एस-05 गी सफलतापूर्वक स्थापित करना देशै दी अंतरिक्ष जातरा च इक महत्वपूर्ण उपलब्धि ऐ। श्री राधाकृष्णन होरें आखेआजे एह प्रक्षेपण भारत आस्तै गौह दा पल ऐ। उनें इस उपलब्धि गी भारत दे अंतरिक्ष कार्यक्रम आस्तै इक उल्लेखनीय कामयाबी करार दिता।

<><><><><><>

PM- ISRO

प्रधानमंत्री नरेन्द्र मोदी होरें EOS-05 गी लेइयै जा'रदे GSLV-F17 रॉकेट दे सफल लॉच उप्पर भारतीय अंतरिक्ष शोध संगठन इसरो गी मुबारकबाद दिती ऐ। ए भारत दा पैहला धरतै दे कन्नै अपनी स्थिति बदलने आला उपग्रह ऐ। अपने सोशल मीडिया पोस्ट च श्री मोदी होरें इस सफल लॉच गी श्रेष्ठता- नवाचार ते अंतरिक्ष क्षेत्र च भारत दे बदधे रसूख दा नतीजा दस्सेआ। प्रधानमंत्री होरें आखेआ जे इसरो ते भारतीय उद्योगें बशकार सांझ-भ्याली मुखै दे अंतरिक्ष प्रोग्राम च होर ऊर्जा ते ताकत भरा'रदी ऐ ते भारत दी समर्थ गी होर अगड़ा लेइयै जा'रदी ऐ। श्री मोदी होरें इसरो दी इस उपलब्धि गी मुखै आस्तै गौह दस्सेआ।

इस दौरान साईंस ते प्रोद्योगिकी मंत्री डाक्टर जितेन्द्र सिंह होरें बी इस सफल प्रक्षेपण दी सराहना कीती। सोशल मीडिया पोस्ट च मंत्री होरें आखेआ जे एह भारत दा पैहला Imaging Satellite ऐ- जेहड़ा तस्वीरें ते Infra Red band च उन्नत Imaging दी सुविधा उपलब्ध करोआग।

<><><><><><>

Dr. Jitendra Singh India-France

केंद्री अंतरिक्ष मामलें सरबन्धी राज्यमंत्री डा. जितेंद्र सिंह होरें अज्ज भारत ते फ्रांस बशकार अंतरिक्ष क्षेत्र च सहयोग गी होर पक्का ते मजबूत करने पर चर्चा कीती। इस सहयोग च मानव अंतरिक्ष उडान, उन्नत अंतरिक्ष प्रौद्योगिकी ते दौनें देसैं दी अंतरिक्ष एजेंसिएं ते उद्योगें बशकार होर बद्द सहयोग शामिल ऐ। मंत्री होरें फ्रांस दे उच्च शिक्षा अनुसंधान ते अंतरिक्ष मंत्री प्रो. फिलिप बैपटिस्ट हुंदे कन्नै वीडियो कांफ्रेंस राएं दपक्खी गल्लबात कीती।

<><><><><><>

Jitender Singh

विज्ञान ते प्रौद्योगिकी मंत्र डाक्टर जितेंद्र सिंह होरें EOS-05 गी लेई जाने आहले GSLV-F17 दे सफल प्रक्षेपण दी सराहना कीतीं सोशल मीडिया दी इक पोस्ट च मंत्री होरें आखेआ जे EOS-05 इक भलेयां अज्जै-कल्लै आहली धरत पर निगरानी रखने

आहली सेटलाइट ऐ ते भारत दी नेही इमेजिंग सेटलाइट जेहड़ी भू-तुल्यकालिका कक्ष थमां कम्म करग। एह तस्वीरें ते इंफ्रा रेड बैंड च उन्नत इमेजिंग दी सुविधा उपलब्ध कराग। उ'नें अग्वे आखेआ जे प्रधानमंत्री नरेंद्र मोदी हुं'दी अगुवाई च भारत दी अंतरिक्ष क्षमतां लगातार नमीं बुलंदियें गी छूआ करदियां न जेहदे कन्ने इक वैश्विक अंतरिक्ष शक्ति दे तौरा पर स्थाड़ी स्थिति मजबूत होआ'रदी ऐ।

<><><><><><>

VP-Chennai

उपराश्ट्रपति सी.पी राधाकृष्णन होर कल तमिलनाडू दे चेन्नई दा इक दिनै दा दौरा करडन। अपने इस दौरै दरान उपराश्ट्रपति होर इंडिया वालवस 2026 च हिस्सा लेंगन। इस मौके पर ओह चेन्नई दे गिंडी च जूरिया वाल्व रजिस्ट्री दा शुभारम्भ बी करंगन। उपराश्ट्रपति होर चेन्नई दे वल्लुवर कोर्टम च दिनामलार अखबार दे प्रकाशनदे 75 बरे पूरे होने दे मौके पर आयोजित इक स्मारक डाक टिकट जारी करने आहले समारोह च बी हिस्सा लेंगन।

<><><><><><>

SC Retirement Age

सुप्रीम कोर्ट नै 7 राज्यें गी न्यायिक अधिकारिण दी सेवानिवृत्ति दी बरेस 60 थमां बढ़ाइयें 62 करने दा निर्देश दिता ऐ। भारत दे मुख न्याधीश सूर्यकांत न्यामूर्ति जायमालया बागची ते न्यामूर्ति वी मोहना दी पीठ नै छत्तीसगढ़, कर्नाटक, मध्य प्रदेश, महाराष्ट्र, सिक्किम, तमिलनाडू ते पच्छिम बंगाल सरकारें गी अपने-अपने सेवा नियमें च संशोधन करियें न्यायिक अधिकारिण दी सेवानिवृत्त दी उमर औपचारिक रूप कन्ने 62 बरे करने दा निर्देश दिता।

<><><><><><>

US Trade Data

अमरीका दा बस्तुएं ते सेवाएं दा बपार घाटा जुलाई म्हीने च 24.4 फीसदी बधी गेआ ऐ ते 88.6 अरब अमरीकी डालर तगर पुज्जी गेआ ऐ। US Bureau of Economic Analysis ते US Census Bureau दे आंकड़ें दे मुकाबले जुलाई म्हीने च बपार घाटे च बड़ा इजाफा होआ ऐ। एह इजाफा उसलै होआ जिसलै अमरीका दे आयात च बाददा

होआ ते निर्यात च गिरावट दर्ज कीती गई। जुलाई च अमरीका नै भारत कन्नै बस्तुएं दे बपार च 5 अरब अमरीकी डालर दा घाटा दर्ज कीता। अमरीका दा सबनें थमां वस्तु बपार घाटा मैक्सिको कन्नै 27.5 अरब डालर रेआ। एहदे बाद वियतनाम, तायवान, चीन, साउथ कोरिया ते यूरोपीय संघ दा नंबर रेआ।

<><><><><><>

PM Modi Meloni

प्रधानमंत्री नरेंद्र मोदी होरें इटली दी प्रधानमंत्री जाजिया मेलोनी होरें गी इटली च लड़ाई दे मगरा इतिहास च सबनें थमां मते लम्में समें तगर उप्परोतली प्रधानमंत्री रौहने पर बधाई दिती ऐ। सोशल मीडिया दी इक पोस्ट च प्रधानमंत्री होरें आखेआ जे एह उपलब्धि उंदी अगुवाई च इटली दे लोकें दा भरोसे गी दस्सदी ऐ। प्रधानमंत्री होरें आखेआ जे उंदी मित्रता नै भारत-इटली रणनीतिक सांझा भ्याली निगगर करने च मुख्य किरदार निभाया ऐ। प्रधानमंत्री होरें इब्बी आखेआ ऐ जे दौनें देशें दे लोकें आस्तै इक समृद्ध भविकख बनाने आस्तै करीबी सहयोग जारी रौहग। उंनें औने आहले बरें च जार्जिया मेलोनी हुंदी सफलता आस्तै शुभकामनां दितियां न।

<><><><><><>

BRICS

ब्रिक्स मुख्य न्याधीश मंच अज्जै थमां नमीं दिल्ली च शुरू होई गेआ। उच्चतम अदालतें आसेआ इस मंच दी मेजबानी कीती जारदी ऐ। एहदे च ब्रिक्स सदस्य देशें ते भ्याल देशें दे मुख्य न्याधीश, उच्चतम अदालतें दे न्यायिक प्रतिनिधि हिस्सा लै करदे न। अज्ज उद्घाटन आहले दिन भारत दे मुख्य न्याधीश श्री सूर्यकांत, रूस, चीन, मिस्र, इंडोनेशिया, संयुक्त अरम अमीरात, बेलारूस, कजाखस्तान, दक्खन अफ्रीका, ईरान ते उज्बेकिस्तान दे न्यायिक प्रतिनिधिमंडलें दे प्रमुखें कन्नै गल्लबात करंगन। एह बैठका सिद्धे गल्लबात ते म्युचुअल न्यायिक हितें दे विशें पर चर्चा दे रूपै च कम्म करग। कन्नै गै इस बैठक च हिस्सा लैने आहली अदालत बश्कार सहयोग गी मजबूत करग। एह त्रै रोजा मंच हिस्सा लैने आहली अदालतें आस्तै न्याय वितरण, अंतरराष्ट्री विवादें दा समाधान, प्रौद्योगिकी ते सतत विकास कन्नै सरबंधत समकालीन मुद्दे पर गल्लबात करने दा इक मंच हासल करोआंदा ऐ।

Belgium PM

Parliamentary Committee

EC-Delhi

< > < > < > < > < > < >

China Masters Badminton

चाइना मास्टर्स बैडमिंटन च भारती जोड़ी सात्विक साइराज रंकीरेड्डी ते चिराग शेट्टी अज्ज सेमीफाइनल च थाहर बनाने आस्तै डेमनार्क दी जोड़ी किम अस्तरूप ते एंडर्स सकारूप राममुसेन कन्नै मकाबला करंगन। एह् मुकाबला चीन दे शेनझेन च होग ते भारती समें मताबक संझा 4 बज्जियै 10 मिंटे पर शुरू होने दी मेद ऐ।

<><><><><><>